



# 果堂詩鈔

序

三百年來詩體凡三變洪永草昧初  
創猶拾殘元餘濬成弘以來大雅振  
興人文蔚起函旃關遠啓疆空同六  
復迄而昌大之卓然成家正嘉臥逮  
隆萬瑯瑯樹高華之懋公安振清英  
之響竟陵標瘖遠之宗邁相祖襲而

蘇門昌巖升菴五茗黃離各自雄長  
頡頏異間咸足鼓歛休明睿颺隆盛  
不減開元大曆焚求和少陵青蓮稱  
一代巨擘宗五寶鮮其匹弇州推歷  
下歲長異醜度發空同差堪嗣響而  
今之入訾其活剝生吞如震川虞山  
巧肆詆排不遺餘力予未敢謂然吾

爾詩派縣遠自漢晉迄今代晉傳人  
舉果近者魏松翼組構工而鞫舌弱  
張白魚洵鍊潔而近於織屠隸真藻  
纘盛而流於靡沈肩吾鏤琢精而傷  
舌巧唯嘉則山人臥希衣主騷壇之  
盟其篇什宏富格律雄渾瀟內文人  
果不歛衽頰首拜服下風蓋夙雅出

澁本乎情止乎禮義非推倒一筵之  
中則不能離塵絕俗非讀破萬卷之  
書則不能富貴曰耕而慕則兼優也  
豈非月山炎水間出之人豪哉淳經  
喪亂羈客幽人故廩失職牢罄填瘠  
喜<sub>二</sub>五<sub>三</sub>於誚惻漣入心脾而吾受果  
堂氏奮然崛起激頽靡而扇芬風含

英咀粲沉浸穠郁著述滿家果文章  
遡源颯門騷賦取裁正則而發為詘  
訶窈焚已浹倍然以生彙然以清凌  
厲千秌橫絕卯稊多綜而評之二組  
搆而汰吳弱極淘鍊而廢果織盛藻  
續而吞其靡精鏤琢而泯其巧殆鳳  
才而斂舌鷹窳擊而陶以情澣滌妍

華自然簡老直寫心句賦持風格豐  
峰造極衆英畢臻人亦有言弇州才  
勝故微近率也新韻詞勝故微近腴  
也叹眊果坐吾無間然觀止矣菴叹  
加矣望適品詣蹕越獨行躡二五木  
其形龍鳳與德大約在菊凶遺走雷  
門先生靈窩處士之間平生石文唯  
古蕤梁鷲林媿江黃梨洲稱忘形望  
郭胤汲震撼走而彊勁孤松叹經羈  
愈茂精金因百鍊益瑩果詩杜海內  
則有空同杜各角鼎有嘉則杜今日  
則胥果堂果炎三百年來鳴盛梓里  
增重一也後有君山或不叹予言為  
諛虛君之蔽女余心佳嬾玉臺香奩

足接吾繩闥秀此又果堂家庭盛事  
空同嘉則所未有者矣

同里姍盈弟爾菴林時對琴題



果堂詩鈔總目

卷一

樂府

卷二

四言古詩

卷三

五言古詩

卷四

七言古詩

卷五

五言律詩

卷六

七言律詩

卷七

四言絕句

五言絕句

七言絕句

果堂詩鈔卷一

甬上李鄴嗣著

吳郡鄧漢儀

選

男 瞰 較

同里徐鳳垣

孫世法重訂

樂府

野田行二章

四時成序歲功在勤棟信在門告以暮春解一望穀得雨望

芒得種伏羲定節萬物俱動解二我敬五穀敬以皇天尙念

區區得使有季解三一蒙天和再蒙天德太陽暴土肥我地

力四解惠然風來苗平瀟瀟細草日生黃犢心喜五解先人所

遺一區一壥仲尼弟子樊須大賢六解

楚扉晨啓日受春風一畝之廬先置牛宮一解樹景下田五

穀與俱稻生見柳黍生見榆二解皇天后媪其力日有我非

不知四體敢負三解江南富人萬錢一席斗粟百五富人乞

食四解唯勤唯耆寶我秋成誰謂盈車粒米可輕五解計登百

日計勞半季老夫秉耒敢告司田六解

### 煌煌京洛行

自昔重君子進退為所難溫溫不避世儉德守其閑許由

生聖日采山豈足傳周公勞吐哺多士未知賢世衰辨得

失大道自平平嗟彼魯孔子龜山不怨天

### 北風行 為公秋先生作

晨瞻客道千里常行卮酒歷歷脫若平生一解北風有音盡

投傾耳今此躊躇將行將止二解晨益一殮為我故人暮滅

一殮為我故人三解昔日惠我手遺一牘短不越咫尺長不踰

尺四解鷄鳴滿塗公今安在縷裂承霜索綯續帶五解玉繩兩

星竝熠無傷各保黃髮萬歲相望六解

### 君子行



君子慎晚節，直道如履冰。善馬不先聘，老幹不早榮。千鍾豈易節，小人難竊名。白髮未藏土，兢兢畏後生。中郎一賈滌，後世何所稱。王允輔帝室，豈爲失天刑。

行子吟

困獸伏澗山，不厭草木多。老魚圖速涉，尺水尙在河。遊子未思鄉，所愁歲晏何。移石寘上苑，豈若守函阿。

古詩

士有慕慷慨，殺身事不成。大燕千里國，一日贈荆卿。蕭蕭易水上，放悲聞羽聲。嗟彼高漸離，猶報田先生。

霹靂引

漢家繼緒撫九州，開邊千里一將謀。微功得列萬戶侯，酒闌覘覘視刀環。丈夫慷慨不得言。

公無渡河

公無渡河，崑崙崑崙。晝移列宿，不守靈胥。電飛公終，渡河湯湯。皋陸舟行，木巔魚飛。殿角公今，渡河仰埃。天光星漢，漸開河伯歸行。渡河而謫，靈水方狎。

會吟行

采風伊邇，我行會稽。聞昔越王，喟然此栖。王身臥蓼，臣

功苦竹氣激蒼天乃霸其國解二斯事千古前沉後揚仰瞻

城郭遺民是傷解三行望子胥歸濤奔馬目懸夜光髣髴視

我解四昔耕吳野大警蘊心嗟嗟人子涕下霑襟解五

戰城南

戰城南走城東。林禾雖熟不救公。彼誰者。骸骨猶藉藉黃  
蟻。日苦飽。穴狐夜出當枕席。黃蠶族族赤水。瀾瀾老嫗閉  
門啼。弱子拄門死。行歸家鄰無人。爨無室。攜筐出門遭矢  
射。願為饑死。安可得。迴頭見雀語。雀莫飛。飛晨飢。夕腐當  
充爾饑。

獨漉篇

獨獨祿祿濟清河。濁東鄰短襦。西鄰大區解一鹿銜嘉草卒

然失儔。我昔從君薊蘭是求解二桑飛善化誰測其後燕麥

當塗未知毒口解三君子兢兢慎故非一風雨同音聿敦始

卒解四玉人操璧染人色。纁見其所學。入其所親解五絲蟲雖

美終不以服顯行教人獲如五穀解六

豫章行

兩夫惜力臨泉嘆渴。三姓同塗漏瓦見霜解一獨負者登路

築不成各還其家所謀自譁解二沉淵避暑畏寒抱炬客至

身堂詩金卷一  
四  
卻實將無主人三解舉刀未果鋒將刺我貫弓不開敵矢乃

來四解壯士蒞怒坐看格虎鄰舟及溺各自鼓織五解

浩歌行

日月下炤凡百有生人鬼冒倏難處者名一解啖葛招嘗亂

流招涉小人同洿君子獨立二解魚凝冰腹鬱為枯尸全軀

而朽志士中悲三解千夫指瑕失不在大迴足層崖百仞可

畏四解烈然內斷萬世所驚白骨生光墓石明明五解

前有一尊酒行

前有尊酒忼慷一言華燭炤心明潢在天一解宿昔守名各

矜玉體苔割萍分遂成千里二解相跡加殮出門南北心負

燕丹悲風激激三解劍光裂石一用則傷壯士報人迎風亦

僵四解斯志未酬千春氣皎素絲三窻自爭日縞五解斟酒既

絕請從此辭參商相見為執手期六解

後獨漉篇

獨漉獨漉河澗入屋入屋尙可況禾殺我海老無潮行人

跣涉蛟龍失居望陸而泣高桐一葉臨秋自危鬼伯引臂

人苦不知負玉道乞暮叩朱門華筵鍊錯誰奉束芹幽蘭

萎谷人慕其守首陽食粟呂望無友踏衾默立中夜彷徨

萬星合光不若初陽

精列

厥我生大化所立本星日光相延星日光相延聖賢非外  
集是以抱此憂冥觀愛目氣其壽當萬季其壽當萬季飲  
酒味不足乃求三神山乃求三神山裴回意所欲未請即  
登天未請即登天九土亦以大何為憂此身人獸跡相錯  
其地生寒泉

苦寒行

晨感北風我衣始單馬訴力盡蜷局不前解一無泉作糜持

斧採冰鑿深見水下墮晨星解二叢叢蓼棘虎立起須熊前

鬪虎其下走解三迴風吹葉偶值木枝兩心既絕各不相

知解四盤石同期謂終白首一朝東西乃繇眾口解五

企喻詩四章

白日去刺虎日黑空手歸將刀內箭中不知虎後隨  
快馬愁日短老鳥盼天晴男兒驅瘦特朝朝下坂耕  
容行入酒家飲酒難飲紅數錢不滿百直是可憐蟲  
上馬抱犴子下馬抱輦婆自來隴頭在學得隴頭詩

燕詩行

歡時苦少淚不多東流千里無盤渦解一悲填方寸亦峩峩

不覺開襟自摩挲解二憶昔少季簇綺羅出門遙迓紫玉珂

解三芙蓉深幄閉齊娥酒闌喚出抱雲和解四坐中劉生起壽

誥飛爵千傾客未醜解五瞳瞳尙報月低河道逢羽林不敢

解六誥南皋葉落水微波人生貴盛芻欲過秋銜耿耿奈爾

何解七

古辭二章

尺水載舟不得遠遊神虬將出魚藻散憂

雷竦魚脫寡妻探舌寒禽失衣藥爭日出

結韞子

喚酒盧頭倒一盛馬蹄亂踏雪花行纔逢東市楊阿若說

與人間有不平

塞上曲三章

縱火夜燒荒草禿露殘幣鬼徙野無彝秋月慘不自行到

潮河川水鳴闐激激哀哉七尺身終當委砂磧

從軍三十載齒髮老沙場微功不願錄乞身觀帝鄉道中

遇阿誰劍馬千金裝側聽是官人新領羽林郎家世本京

華黃肩歿不張莫使官人怒辟立久道傍

憶別尙新昏歸來各翁媪兒生不識爺邨落半腐草同行  
舊火伴幾人共投老傳聞議邊功大賞長安道策勝屬文  
臣受賜到強綵潛身且莫嘆所幸畱肝腦

### 雨雪

軍行就烽火步步山朔方雪深馬陷膝鬃鬃冰筋長夜深  
臥寒窟馬渴不得漿江南隔百宿家有魚麥香人身異狐  
貉奚爲贈沙塲

### 長城窟

阿爺死無期夢隔長城窟今年復點丁裹頭充戍卒家傳  
谿子兮流涕不忍發前行指戰場下馬步岷岷垂頭撥草  
根恐此阿爺骨驚沙夜氣黃仰天非故月

### 新城安樂宮

官鑼鳴避錯錯中官督敲大木行硃書上用字木前甬小  
猶不見樟楠涌地出新宮日將成吳娃候選旨夾道香車  
停新宮成夜走馬太后輿西陵下

### 短調三章

草深藏虎棘棘有聲爾不結侶單入此行  
利劍在牀夜向人謀寘我不用爾無恩讐

身堂詩錄卷一  
同席十年不識我心千里尺書乃曰知音

放謠行

今日衣故褐昨日橫綺羅尙有空堂客索莫殊不多門前  
過冠蓋浮埃追玉珂盛衰迭相送長嘆復如何逝日無廻  
炤逝水無廻波誰能作意氣更對劉生謠但當醉歸去家  
在北山阿

堂上歌行

華尊合此夕蘭燭炤人情纏絲步短瑟敲爪彈高箏衆響  
各以驗寸心未得明坐中有宋意壽謠前一行易水起中  
堂悲風乍不平奚爲樂嘉客奏此忼愾聲離鴻見歷歷老  
馬愁遐征此夕失三嘆意氣空平生

壯哉行

朱亥入虎圈瞋血濺斑毛氣足與俱生虎伏不敢噪大勇  
固若斯歟起不可測當其志決時天地俱變色吁嗟當路  
士臨斷何躊躇瓜行數顧尾適以賊其軀要離本細人畱  
侯眞孺子奮威不自疑一朝雪國耻

牆上難爲趨

鳴望京雒冠蓋何犇鏘五侯宅前路黃埃旦夕颺我行

已失儔太息，何欲長脫手。乏千金，寒欄無孟嘗。上謁非龍門，盼昧名不彰。朝稱翟公客，暮謝翟公堂。勞勞車馬跡，一日生參商。寄語失勢人，莫登結客場。

驅車上東門行

驅車上東門，望何阡阡。古墓若不平，斂骨當如山。前有誰氏壘，石表難辨年。惟留古時栢，下覆五畝田。行人息鞍坐，落日銜半巔。安知息鞍子，遺骨不此填。帝王胷失勢，貉貉起爲究。人生不自惜，高名豈漫傳。絲竹集故人，其樂乃萬年。

悲哉行

甲第沉沉開，云是將軍宅。十載戰螺山，歸來列虎戟。玉人頗倚文，蘭亭迎劍舄。鑿落壽當筵，新聲奏河激。韶醺未及終，烏啼催漏刻。哀哉五公門，百季無磐石。行人過彷彿，朱門變舊額。埜犬吠中堂，妖狐登舞席。盛衰匪有常，達觀在疇昔。空曠藏黃金，畱贈葬我客。

結客少季場

長安開俠市，探丸白日彈。獨語諸少季，我願得黑丸。武吏握刀箭，傷人尙有瘢。文吏抱尺書，鉛鑽支骨殘。未斫武吏



頭先。蒞文吏。肝持此報。天子以助國法。寬自投虎穴。死快  
意在鎖干。

行路難十章

老鳥上屋啼。下有獨宿妻。人身昏嫁本。平事根葉不相離。  
溼溼重溼溼。生別等死別。別人言賤妾。苦節名使妾動顏色。  
妾有萬里夫。塗逢去未得。

昔年臥園草。園扉苦不高。瀝血圖自明。未肯訴臬陶。屋星  
無光。鴟鴞叫。鉞索周身亦窈窕。鬼伯得紙錢。向人齟齬笑。  
猛虎嗥。深山皮爪常。落市鬼。偃匿大。讐空爲其導。使物情

有翻覆。元惡竟如此。君不見太平之日。仁獸生竅窳。不敢  
白日行。

江南有翥鳥。自呼曰薄杜。性不向北。翎翼翼。栖故土。嶺南  
有靈鳥。自稱曰秦吉。不重金錢。五十萬。餓死表微節。我聞  
此鳥涕如雨。走抱蒼宮十圍樹。樹前老幹盡。南生下有古  
人五尺墓。

百端各有春。雪霜風日皆其時。人生窮達亦當盡。豈能方  
寸容。悲十月衣裳單。入門請謁行路難。君言我有萬古  
淚。終爲君未竟彈。

步出無二于酸風射華髮曾此鬪戈船隔岸西陵飲馬窟  
窄行硬履齒莫是當季死士骨銅腥漬草草不長鬼作戰  
聲猶恍負君不見蛟龍夜徙田橫鳥棄潮不到江湖小  
老牛前負舟泥深陷牛膝停舟先扶牛百夫難合力寒沙  
漲舊汀天地日領仄率野有波瀾取道難取直萍遊未得  
栖十趾敢自測翹首怨南雲我何失羽翼

客程當落日重經古陵傍陵栢摧爲薪百里爨室香石人  
枕石馬魚燈闇失光熊羆旣不守穴狐起相商自昔帝王  
終失勢土花滴盡行人淚獵人獲得大鹿歸角下小牌隱  
有字摩挲知寫放鹿年誰識漢陵當日事

少年爭結客意輕于黃金吳鉤當路市逢人但吐心道值  
儒家子避塵愛葛履習饑未嘗言自甘蒙袂死魯儒不足  
憐燕俠似可喜及余歸東臯荆扉不繫馬時時聽儒生履  
聲到檐下

颶風吹散陰天霧十里橫塘開石路云是當年捍海堤黃  
土茫茫海眼涸堤上人家學種桑老翁不識靈胥怒發鳩  
怨鳥暫得伸草沒鮫宮燹火樹麻姑笑語王方平水淺蓬  
萊復一度人間海陸亦易遷天地鴻濛我適晤

賤士吟

賤士乏黃金。敢云金無權。貴客昧詩書。遂云書未賢。士行方獨念。此理恐不然。遙見輿臺子。車馬耀生煙。沉吟立自顧。被褐不得鮮。古人有明訓。豈遂易彼焉。滄洲亦可往。高節在終堅。

貧婦詞

白藏百穀實。天下皆樂秋。惟有荒村婦。終年只食愁。有田可以望。無田何以收。出隴拾殘粒。黃雀爭啾啾。語雀胡不仁。亦爲寡婦謀。天昏日腳短。不覺淚長流。

當車已駕行

出東門集諸賓。客行僕理轄。主人促席今日同。一觴分手殊風雪。停驂誰後來。下馬重惻惻。

雜離詞

客坐聽鳴鷄。人生得暫合。常恐斗酒終散若。高秋葉堤上自理。轄堤下自理。職。

禽言四章

泥滑滑馬慎行。閉戶者人不聞此聲。  
姑惡姑惡見莫言。母惡上堂母呼羹。下堂催婦作。

提壺盧結酒徒斗酒易相識故人難再得  
布穀布穀力耕早熟餉子未下田柔草先飯犢

折楊柳

登樓盼征夫不惜垂慘手朝來攀柳枝桃葉亦柳柳流光  
嘆三春妾顏較尙久自計柳黃時歸音莫未有

斜路行

曲巷驟飛香車馬不繇直妾家狹邪口回車最先及昔日  
感君知千金奉妾色春風到棟花桃李難自力藏君舊雙  
珠他日君憐德

長相思

長相思起夜半幽帷爛爛垂金庭青雀斜飛隔華漢餘膏  
欲盡光漸寒玉壺心遲未能見褰衣此夕生裴回雕獸司  
關不得開靈禽銜書不得來蒼梧山溪遙矚苦玄雲蔽久  
中心猜長相思臨高臺

孟門行

黃雀銜雙環裴回主人宅自擬報前恩誰圖變今昔昔日  
彫堂羅衆賓朱霞爲酒鳳皇尊坐中各稱仁義客論心論  
膽屬何人春風一夕散君庭西園桃李俱催英黃衣日暮

栖何處白脰老鳥啼待曙來歲陽風望得還滿庭重發琅玕樹

後孤兒行

為邗上蔡翁作

孤兒生孤兒生不自知苦父母生兒不得哺抱兒置懷中  
涕下纍纍不可止揆尺書書兒命子午抱兒置道左十步  
徘徊九步一顧屬兒勿大啼有何蔡公行收兒兒今得父  
母一解上有倉倉之天不能覆兒寒下有蠕蠕之地不能飼  
兒飢阿母懷兒十月生棄之生棄之有何蔡公行收兒二解  
天地德之大兒身命之微堂中呱呱三千兒來者一月不

足去者六歲頗有餘豈無他人來抱兒兒是蔡公兒三解

亂

日抱時兒面多塵衣單衣今有複襦抱時兒脫母索其潼  
啼今能自哺糜阿父行過門遙識兒阿父側面行避之兒

是蔡公兒

四解

相逢行

鬚白日趨長髮白日趨短尙畱不死軀勞君問寒爖出門  
遇阿誰鬢鬢亦有髭長跪未肯起云是故人兒

君莫非

受性勿移終適所宜枯蠶抱葉獨豹多脂兩或相值未嘗

相。嗚。龍。潛。于。淵。蜃。蛭。莫。知。小。鳥。摩。風。鳳。皇。不。飛。大。嚼。東。陵。  
長。吟。采。薇。各。述。其。是。請。君。莫。非。

碌碌古詞

左亦嘆碌碌右亦嘆碌碌烹鷄供廝養主人飯脫粟離城  
十里舍未敢望闔閭出門作農夫手挽嘔啞車埜豆自有  
莢埜麥自有花年年收五穀思得獻官家

湖吟行

水。鷓。鬧。舟。空。爲。人。急。啄。得。尺。魚。結。喉。不。食。風。生。迴。槳。漁。子。  
笑。集。埜。塘。春。鋤。頭。絲。如。雪。窺。魚。不。飛。墮。影。自。潔。鳥。有。殊。情。

公無往詰

山人勸酒

蘭。壑。沄。沄。松。嵐。瀝。瀝。山。空。古。今。落。英。但。出。我。尋。澗。側。素。魚。  
立。萍。微。風。隨。翻。與。葉。相。輕。山。中。誰。人。不。疑。客。入。澹。然。雲。停。  
遊。煙。難。接。負。杖。攜。筇。彼。安。在。斯。裴。回。所。欲。奉。酒。一。卮。微。吟。  
不。聞。通。詞。未。對。俯。仰。林。潭。我。得。無。悔。

慈水孝女

女王氏母喪在堂忽被火女身護母棺焚死

皇。天。至。仁。日。用。有。火。奚。爲。一。朝。炎。帝。毒。我。解。其。爛。炎。炎。遂

通母骨兒心萬鑽豈敢獨脫解二仰天疾呼莫啓祝融飛廉亦贖失爲反風解三願與母骸合灰一撮入地千季黃土亦碧解四萬人讀碑淚盛如水併水作河早救母死解五

繡州孝女

女李氏志在事親遂終身不嫁年四十七

遠我父母事人父母誰無父母誰有父母解一少慕事親十

季不字長慕事親終身不字解二謂我女子謂我男子宛然

孝子宛然處子解三古所僅有今所僅然前惟張雨後萬義

頡解四暮雨梨花年年寒食麥粥一盂父母之側解五

杲堂詩鈔卷二

甫上李鄴嗣著

徐鳳垣

同里

選

錢肅圖

萬斯備

壻

邱瑜

同較

四言古詩

停雲

停雲四章簡同學也寫我心曲遙答陶公匪有故

人語默誰同

林木萃煙閑塘益雨中有斯人望衡不阻素琴在牀待爾

同撫阡陌匪遙出戶以佇

與子登高陰雲濛濛山島猶峙潮落舊江甲子可紀歸守

北窗共嘆古人千載心從

青霜既下老幹斯榮眷彼孤立匪關世情栖栖薄杜日夕

南征何以寫懷賴茲友生

取則伊邇視此執柯聿有同音汝巢子和向為故人裴回

亦多停雲在戶爾懷如何

時運

時運四章紀遇也至人無方與時消息上念前脩

悲企斯集

悠悠時運乃遘斯朝出門眺古立我西郊喟彼先民守茲

道消束帶于田以敬嘉苗

解纓就泉逝將以濯戶庭無人天光是曠有書有琴澹然

斯足用舍既分行就吾樂

孔憂四方乃慕曾沂顏欣陋巷禮樂所歸道潛斯潛六爻

同揮斯風既邈企言可追

六籍不守飄搖一廬脩途伊阻適將安如寘身不食繫若

瓜壺誰錄遺民愾言待余



榮木

榮木四章勉道也惟處必然道乃得藏日月易邁  
惕然自傷

晨瞻榮木葉隕于茲上有負霜蒼然覆之昭昭大化徵德  
以時爾行勿敢乃勿愾而

隕葉復生在守其根華支易散本茲不存皇皇敬口憂方  
出門久焉勿失百業斯敦

日則自稽未敢習陋惕念先人所踐惟舊貴德能謙君子  
之富矧余小子危心在疚

敬哉祖德豈敢中墜自昔所言九仞可畏大行當前乃別  
駑驥汲汲古賢惟力所至

勸農

勸農六章示同鄉也既返故褐曰歸草堂昔學爲

農再告鄰曲

勞勞南畝疇非吾人霽顏相告弗畏我真災季得存是豈  
靡因惟勤勿旤以告農人

古風古雅詠茲黍稷油油在田大聖所殖矧爾下民乃不  
力穡爾之不勤豈其穀食

桑竹菁菁蔭茲臬陸童牛上坂謳聲相穆日暮各歸鷄犬  
不逐遙憶羲皇茲風未宿

風雨知時不曠不久上憑天心下勗爾耦豈茲及辰尙有  
栖畝扶犁合勤左右其手

歲云夕矣甌石已匱爰及春耕給食何冀肆力伊初日月  
難至老農告饑用茲色愧

余始爲農田父莫鄙墓田一區小人所履薄力告登未得  
齊軌薦新先人敢曰致美

鼓琴篇

退山將有北行前一日稚廉召諸公畢集酒闌臬  
堂請退山鼓琴寫別次日臬堂爲詩曰

高車將駕酒坐初闌先生一彈我聞其言一離思溪溪微

風慄慄先生再彈我得其道二水光澹激林氣窅冥先生

三彈我移其情三形素坐遷遙心斷續先生舍琴不能終

曲四空堂寂寞尙有餘聲先生褰琴明日遂行五

山翁老人示余一鐫石其文曰山老雲香系以四解

山光日新坐愛山好仰見羲皇始覺山老一以茲高香終

古氤氳翩然雲來無聲有聞二公于此中畫方一丈盡日

看雲與相默賞三謂山大老謂我亦翁各寶其香臥起悉同四雲停不遊遣侍我側鐫石記之以表山德五

題徐節婦遺像

霜皋先生弟婦苦節里中所稱

猗猗欄草是惟決明神之禦之貞婦之庭一蒼蒼階樹是惟女貞神之護之苦節報成二節成伊何畢命斯畢歷四十年寢霜食雪三夫死上書亦奇男子下及黃墟相見不恥四誰謂婦人膏沐餘味死後圖形猶丈夫氣五

吳堂詩鈔卷三

甬上李鄴嗣著

徐鳳垣

男 嗽 較

同里

錢肅圖

孫世法重訂

五言古詩

古詩

浮陰蔽天地遊子正方惶方惶怨我行奚當在朔方我髮已白我馬玄亦黃凌凌中野氣手足無不霜四顧莽無人孤獸同悲愴奚為送薄軀冥此窮路傍積雪非可餐積

非可梁攬衣竊涕下旅褐不得長思欲陟高丘延頸望  
故鄉故鄉有流草回廳儻得翔

古詩二章

步遷入高商草木愁獨立鳳鳥自不來梧桐無栖葉所懷  
歲久人巖居邈難及出戶池微霜微音庶我會

東家有素女十年處空房含思發蘭音步盼自生光齊王  
遺白璧趙王致明璫蕭蕭但偃帷衆人徒相望聞有無鹽  
子媒氏不登堂願言棄膏華來從素女桑

古詩

客行出東門人馬各蒼黃古來惜別地楊柳不復長浮雲  
冉冉行與我辭故鄉入耳漸異音始知復一方客衣只視  
帶客酒只視觴日行不緩陸履草已微霜登高有所望夕  
鳥東西翔遠遊且自愛恐爲故人傷

擬古

微商夜來生忽已被百草不知蕭瑟情俯仰亦盈抱出門  
埃所思望見千里道與君昔別離攀枝見嫋嫋遲徊失良  
友坐使光輝槁馳情視飛蓬迴颺惜何小

雜詩四章

采采當青陽含榮已畢發百卉俱承筐奚爲忘薇蕨此物  
言暫嘗豈堪解飢渴嚼彼首山人餘味終難竊吾但食茶  
百未敢慕前哲

河皇昔憂世四益橫天衢霽鞞日震野徒聞伐虎貙焦然  
冥明臺六相俱躊躇一朝參飛龍白雲遂同驅鴻刀翔爲  
鴻雲中墮桑弧小臣空灑血昇天已無塗橋山抱冠舄左  
微誠區區豈若乘髯日從皇以薄軀

昔傳有愚父行追日車還道長湫欲死六螭已大遷咸池  
不可望河渭俱涓涓至今積遺憤鄧林枝如山余聞起三  
歎拂目瞻甘泉希賜實所私下臣敢自宣願言栖丹嶠長  
景臨其巔

朝見白日出夕見白日昏車輪朝夕轉積愁如千春日月  
益以徙岸谷益以新奚爲懷萬感歎歎俱遂循語彼宿艸  
下使知造化仁生當保體髮沒與松栢鄰

古詩八章

孤筵行千里豈爲性好遊特以微薄軀隨風聽沈浮灼灼  
西園花歛根歸葦收桃李各能實當春爲我秋茫然顧一  
身裴回安所投虛名自簡束出門念前脩上畏白日光昭

昭未能酬青霜表末節諒哉古所憂

兔蘿思所依託身得松栢上得交青雲敢謂此我力持此

示飛鳥高岡附羽翼

龍潛尚在淵飛雲識與俱鳳鳥雖未至世人頌羽儀乃知

采山考藏身揚其輝茲風猶未薄千載庶相追

浮雲隔天地遊子安歸與平生惜情欸願與君子俱南鳥

不還翔未得展尺書秋風時開帷心知我躊躇千載同榮

名豈在聚一隅君亮懷宿緒所得報區區

今日暫相親明日遂成故人問車馬衢少于白楊路驅車

陌上行停車問丘墓逝者無萬年歲月不能誤人生立榮

名華髮未為暮悲彼達者心斗酒欲相度

聞君有斗酒乃得千載情嗟彼絕世下惇惇守六經風雨

集吾廬隱然不敢鳴豈不鬱所懷量質存涇涇瓊田有嘉

乎誰能采其英

洞若來滄濱千里日已暮直為謀饑寒投此猛虎步嚴霜

一執手忼慨復回顧願言結同音念我平生故所謀諒誰

陳君宜思往路

有重知我此念良已深裴回一泱絕白日為沉吟玄姦

疑霜蕭蕭吹我衿。攬衣起長望。明河中夜陰。慙無豫子。  
以報燕丹心。千春爲我嘆。此懷匪自今。

古詩九章

秋風。今日起。將吹遊子裳。遊子從此辭。驅車蹊路傍。且復  
爲。若留尊酒叙。顏行萬里在。斯須執手焉。得長豈不勤。勸  
。西行終在觴。人生各有土。客遊安可常。飄蓬顧本根。征  
馬。懷故鄉。越燕一微禽。熙然獨南翔。  
青。青苑中。林。磊。磊。陵上石。人生追昔遊。惘如百季客。憶我  
赴。魯都。停車當繡陌。陌上塵相追。冠蓋日交錯。兩宮鬱復  
起。九門杳以隔。麗質自天來。嘉材自水出。絃歌曼方生。夾  
路。芬。蘭。發。中。夜。聞。麟。麟。知。從。上。相。宅。

置酒此高堂。觴盡不知數。衆樂各以停。徵音獨三鼓。玄鶴  
南方來。舒翼當庭舞。四座皆言驪。誰明奏者苦。人生多悲  
心。忼慨貴得吐。沉懷難自宣。奚爲望終古。曲盡河宿稀。涼  
零。紛。如。雨。

皎皎望良夜。攬衣紛流光。憶昔怡故人。撫音中宮商。聽曲  
得其微妙解。斯不忘。今夕亦嘉宴。絲竹盈我傍。一彈起三  
歎。哀。絃。摧。不。張。亦。欲。援。他。琴。愁。登。故。人。堂。平。生。執。高。節。無

爲知我傷誰言金石固瞬以喻中腸  
薜蘭生溪谷惠風所不忘榮落中自知豈爲君子香我欲  
攀茲草以貽性所當迢迢望秋澤彼美在何方

玄夜有餘輝離離散萃漢衆星出益多流光各遙矜嗟獨  
彼參辰睽心不相見褰衣起徘徊幽帷開夜半疇昔惠高  
言金石無中變十載奉君期奚爲不自勑膠漆一以離水  
枯白石榮賴有絲竹音可以寫哀怨願言持尊酒追叙平  
生讌天遠路悠長無由同羽翰

蕭蕭歲云秋淒風一何早榮落各有時植根難自保念此  
幽谷栖委身亦以恥常恐切微霜萎謝同百草物遇亦何  
常芳菲隨所造采我遂如蘭棄我遂如蓼思君失良期離  
愁漫浩浩舊恩儻得還重使容輝好

停車望郭北但見丘與塋中有殺死人與我昔平生原塋  
何茫茫秋風爲悲聲送君已黃土恍如在遠行白日方奄  
奄歸彼泉下明人身異盤石奚爲思不傾虛名當壽考奄  
化終何成

幽暉盈我庭仰視羣星列今夕亦良會斗酒幸不薄爲樂  
若待時沉吟每易失四序不我留晝短夜相逼來日未能



身堂詩鈔卷三  
知。遷。日。遂。成。昔。人。命。固。有。常。憂。遠。亦。何。益。祈。得。心。所。歡。不。  
祈。年。滿。百。笑。謝。王。子。喬。醇。飲。當。服。食。

古詩貽悔菴先生

南國有才人，築室居瓊華。開衿似顯日，發采同朱霞。翱翔  
宛與雒冠蓋，紛相夸文軒。停主宅，稚帶讌侯家。未識絳河  
隱，豈問玉衡斜。盛時謂可久，良會期終加。驚歎動依夕，羨  
御俄懸車。當時四座客，雲散俱無涯。悵然翹我首，天衢日  
以遐。曜靈自廻照，毋爲鵠髮嗟。

古詩貽徐掖青

東鄰有逸女，素影栖空堂。夕紉芙蓉幄，朝集芙蓉裳。藏輝  
若微月，見者遙彷徨。疇能托晨風，致此雙明璫。敢言接芳  
訊，流馨實所望。豈識春華姿，窈窕獨懷霜。願爲榮桐木，結  
根阿閣旁。

古詩貽林太常殿颺三章

喬松眎菟蘿，忘爲身所援。浮萍依大澤，遂得相波瀾。君子  
揚德聲，屈體非所難。一朝托綢繆，微軀得併肩。敦懷旣已  
古，逾久義彌宣。疇能答春暘，猗猗深谷蘭。秉節儻終固，幽  
栖非所嘆。亮君鑒區區，申此平生言。

昔聞有仁鳥其古維火離發音中夷則龍磨爲羽儀一翔  
下帝庭五彩何紛披聖人旣厭世悵然歸海湄合宮徠虎  
豹阿閣巢妖鴟琅玕摧無實灑滂扶桑枝况余本庶鳥守  
此卑林栖玄陰蔽九埜斂翮方躊躇翹首望丹穴令德景  
在斯願言聞賀世窈窕隨其玃

蕭蕭凌霜幹四序同蒼鱗下有桃李枝開顏爭向春榮華  
雖有時誰知非我辰徘徊望廣陌車馬何麟麟故者不復  
益來者日以新平生携手人各自相燕秦寘此懷中書三  
歲始一陳忱懷不復道膠漆終難分

古詩爲錢退山作三章

蒼蒼寒歲栢根葉常相知蓬草隨風颺不自辨東西長安  
陌上塵汨如海水驅車馬過相觸誰別其賢愚君從此路  
去高義能終持是物雖易遷難使磐石移歸歟慎勿忘踐  
此黃髮期

君適歸故鄉唯上先人墓兄弟三四人各自有行路還家  
仍似客旅草發當戶草色異鬢霜春風無新故飄然重出  
門遊子斷百慮祇見臨當行爲我一返顧念此久竚立白  
日黯已暮

君有古人琴請以寫離懷爲我鼓再行遊雲爲裴徊客心  
暫相靜餘音更遲迴情若置薄軀臨水登高臺人生五十  
公齒髮日欲摧此會亦以老何但來日衰願留未絕絃重  
爲故人揮

同諸君集梁公狄先生寓舍夜酌酌月

暮鼓報微涼新月熠楚屋下有孤吟人素甃泛漉漉月貌  
落中原劃然照此獨四聽斷人音秋蟬坐高木手開冰雪  
函頽垣難閉讀瀝酒結心鄰山川匪異域僕夫軒觸屏鑿  
落忘百覆數載憶茅檐瓦盆對日哭豈意集天涯各出秋  
心沃口噉齋房芝霽我萬古目山鬼瞰空堂淚雜酒一斛

秋懷同公狄先生作九章

我心悲四序秋天不可長登高莽難辨中原亦奔茫長跪  
復西嚮諸陵黯蒼蒼束髮讀六經豈知早投荒夜中迴月  
御若木應可望裴回入空巷旅穀擷滿筐憶此句踐國霸  
氣久未央曾聞采葛婦悲吟奉吾王薄脯臨湖水君臣淚  
盈裳

亂樞裹江浦遺叟步拾秋往事不可訴欲語生百憂河山  
倏破碎老眼識其繇有雲來滄澗視我同悠悠千春石頭

水斷鎖失中流。江南仗王謝，乃與鼠輩謀。遙傳故常侍，遺孽亂神州。舊京猶未覆，士氣鬱已囚。藉卉今何所，六朝襍松楸。潛行未敢哭，日腳柴門收。

南登白雲山，巨壑萬年在。老藤緣若梁，蒼虬俯承蓋。崩剝傍壑深，日渴陷其內。我行已及巔，得與飛鳥會。憶自伏蓬茨，三年漸短喙。噍雪猶未乾，蒼茫喪蘭佩。豈意躡危嶺，復窺天地大。延頸始一訝，林木助幽籟。雲黑古西陵，東望哭再拜。朱囑暮歸來，迢迢關水外。

力耕焉得暇，我倉夙不盈。長鑱新所習，敢竊上農名。土疏斲未易，芟柞接長羸。班荆襍農子，風雨入郵評。憶當開元日，喚田一寸耕。坐中起父老，長嘆淚縱橫。白苦不死今，聞長角鳴。昨傳火帖下，租吏已出城。東家寡妻哭，病男去點兵。窮林失草木，山犬無舊聲。太平儻再見，所嗟只後生。萬古最傷心，蘭亭夜半雨。六陵失金鐙，守此一缺土。亭下孰長號，寒食孟申黍。雲嵐幾處同，故宮弔陁堵。長溪不了愁，豈在吾生補。繭足走空山，忍饑采菘旅。五年八徙家，枯魚重入釜。愁來不敢言，吞聲餉苦苴。六藉方颺灰，腐儒等斷鹵。壁隙小漏光，當塗見鬪虎。欲哭且莫高，詩人敬天怒。

葛巾已十年寒暑不敢除裝回自顧影人應謂其愚出門  
無殊路只識故人盧松廳肅肅下同開石函書抗言旣相  
入脫粟每不餘一朝耆舊色乃落斯人居桐尊藏寂莫黃  
農嗟未徂秋蟲助高響獨而我墻隅卻憶十年來荒厓墓  
鼠須西臯墓側田草蔓不得鉏籊籊聲淚秋衣各已癯  
男兒亦有身豈爲霜雪驅

食荼雖失甘苦心得聞道養此不死灰冰城側身老骨相  
亦已枯中懷殊未槁遙見當塗人理髮自云好日趁肥馬  
塵不覺衣裳倒惟有處士盧三炊難一飽霸霸吐微光夜  
落秋星抱尚畱數冊書遙取古人考聖賢無畫塗卓犖惟  
所造默坐智解顏悄然對神保

我攜古時琴臨河寫漣漪此懷落人間淡淡誰遇之乃有  
一先生萬里抱同懸遊囊開數卷蒼然無近辭坐看寒潭  
影落此百尺枝短謠向我彈解帶高風吹自持一尊酒微  
誚賀公祠云何八十叟始與鑑湖期回望西臺雲奇吟喚  
蘆茨吳江昔日淚千載遙相思

高人緒無端一往自忻惻秋氣集小庭古今共栖息宥宥  
儻相通燕越非殊域靈狀雜往還追光何所得有時坐兀

然悟心起微感足音是誰來面帶廣陵色蘭芷本同岑豈  
云隔水國秋花穆幅巾素心具糲食與之忘晨昏理感互  
省奮開衿納瑟風相跡各無飾一片石嵌巖終期勒幽職  
草堂坐雪有懷公狄先生

數數愁出門出門失故幘不畏踰弱泥草履亦自惜烏鴟  
夜各歸雪花埋巷白草稈壓荒檐久恐非我宅凍趾未敢  
伸土堂半壁圻蕩席聊蔽牀北風善伺隙籬犬向主嗥鬼  
車晝相嚇空梁終歲塵但見鼠行跡僕夫厭作糜爨室遲  
煙斥溼薪侮宿火炊薪若炊骨脫粟既難餐豈無千里客

莽莽望江湖故人誰發夕

秋日郊行同梁先生作

白衣步迎秋商風動林莽窄足未敢前白骨紛相拄回頭  
語僕夫投鋪恐無土荒荒處士邨晨煙待夕補候鳥久不  
歸百物昧寒暑負杖偃荆扉日光乍漏午屈蛻垂東方管  
然復作雨手劖青桐枝悲譎叩瓦釜枯蠶入我惟有聲答  
吟苦

同周覽堂過宿東臯草堂作五章

雨脚聯昏且白日不識午霽心在茲晨理舟具鐺甌僕夫

問安之吾友在何澣但去亦易知高煙停竹戶  
水口住千家虎落各自葺廻源盡到門禮樂具舟楫草堂  
獨向山老樹左右立通煙本一村鷄犬若不接引客候啓  
門寒光拂几榻太白當主人集坐忘拱揖吾家舊六峯指  
視最先及湖南諸遠山天霽滃嵐溼奔影須臾中酬賞猶  
未給勸客且勿言靜察其開闔  
爨火冷中廚倉卒具菁筍貧亂各東西對此亦惘惘薄酒  
遂五觴黃齋更手村半生幾主客燭花未敢盡各自鬱中  
腸鹿盧語相引山鬼不得來嚴霜斷前吟

憶昔始值君君年十八九布衣見試官我獨把君手隨爲  
萬里行茫然隔杯酒異粵異風煙尺書亦難有豈知再值  
君髭鬚各鉗首移鐙重黯然開顏自知厚獨此老華冠崎  
嶇報良友相勗在終堅古巷閉溪柳

屋角觸廻風舊瓦中夜墮殘鐙乍失光山凶蠶紙破對語  
未宵闌縵被遮肩坐四聽何寥寥僕夫鼾聲大誰人識此  
宵聲滂俱頓挫若木終有期荒鷄莫爛臥語半起問天我  
生亦已癡





念觸寒預恐手足裂夜半起引衣廓見列星出須臾開曜  
靈玄陰散不結凍夫體漸迴我愁脫然失衆氣赴朝新願  
言勵始卒  
立木轉雙絙其末繫巨石輻轡上高岡進寸如進尺左右  
夾相持敬徑輿額仄五步一暫休發聲齊衆力移木稍及  
巔顧驗適所歷下下勢不難翻戒慎蹉跌古來涉世理險  
易交得失解絙置坦途始各定顏色崎嶇念汝曹翹首重  
歎息

白日荷皇天赤壤荷后土役人俱陶陶譚笑釋辛苦蒼然  
兩僕夫紀綱頗得所日月行有期就功已可數無憂爾力  
痛先靈實所怙

十年相一墓子力亦已微先公居此室幽壤開光輝大鳥  
翩然來五色紛離離中霄動風馬放悲靈旂歸悲攀不可  
得淚下誰遑揮

聞昔起凶功不敢殺童僕朝封五尺墳夕生尺五竹哀余  
實區區先人幸歸域賴茲衆力成手植蒼宮木庶其從古  
賢東帶耕山谷

起城崇五尺雙闕以植表闌石圓祠壇松欒開墓道斯制

匪敢奢厝宅尙堅好不見誰家阡石鳳臥荒草先人遺儉  
德藏瓦以爲寶

次陶公懷古田舍二章

恭聞昔賢軌咨嗟未得踐復褐謀其天薄耕豈容免赧此  
好天時鄰疇語交緬柔風怡人心春衣此時善日暮相諧  
歸炊煙幸不遠誰咏古幽風茫然獨忘返仰視參星橫斯  
懷良不淺

食乃力所營曳裾敢歎貧天生好禾黍意以答小勤遙聞  
荷蓀翁自云義農人度陌與論交情依若非新驅犁佐其  
勞主客忌猜欣高車日棘棘奔熱自知津人生各有務所  
願與爾隣陶然忘甲子永爲上皇民

刈早禾詞二章

余適爲農夫秉耒往東阡豈不憂饑乏薄土聊自佃日暮  
相攜歸巷中喜初煙茅欄通夕景半牀雜簡編慕古十餘  
載奈何負昔賢旦夕高風生四腴未暇便常懷劬苦意書  
此示東田

東臬有廢土三年始得昉勤墾所不惜恐爲田父嗔雨澤  
幸無願同疇高下勻刈禾黃漸了遲苗潤如春鄉閭賀乍

見堂詩鈔卷三  
飽餓夫色漸新嘖嘖集羣雀物情亦知欣頻年厭兵氣我  
里幸各存子孫守其業世爲古壘民

跨牛至鄰家泥飲

余是蓄牛翁家有牧牛子晨興自跨牛牧子臥未起乘牛  
若乘舟春風蕩趾趾草色悅牛心笛音動鳥耳解顏及異  
類高吟亦不止遂憩一茅檐兒童走相視老農重客情魚  
殮列數簋各幸保餘生禾成且歡喜回顧最少男驅牛飲  
泉水羨余城中人田居肯不鄙鄰曲古所敦益瓦今日始

齋中讀書次康樂

酌幽自有源奚必在林壑小廬未謝人情閒坐冥莫坐久  
無遜音翼翼聽歸雀莊讀古人書筆墨豈罔作小慧棄其  
餘高文不敢誑以茲對昔賢苔封畫闔閣古光矚虛衿萬  
念屏哀樂竹栢佐庭陰餘生於此托

梨洲先生同晦木澤望過宿草堂

寒風拂高樹西日尙垂光獨處生躊躇率爾褰吾裳先生  
肯惠然桂枕自何方攜手獲與偕登我先人堂愉顏接班  
坐得從彘弟行草蔬媿修具薄酒感傾觴通衿發款款德  
音焉敢忘君子履高義前修益以章小人懷懼心恐使遺

德荒名車慕遠道。良璧敬中藏。願言副金石。千載以相望。  
山樓  
日夕坐衆山。空嵐不知溼。太白峙我前。鹿巖別疎立。輕雲  
時往還。兩山始郵接。秋光無定容。俯仰每不及。欬然隨飛  
鳥。林煙各小集。寒碧散空郊。靜久同吐噏。十里候樵蕪。殘  
曛未全入。

咏齋東竹三首

仲春茂草木。植物須及時。齋前一丈地。疏闢不暇遲。向愛  
東林竹。遷陰使在茲。密栽亦復疎。澁淺各適宜。停雲靄已  
候。栖鳥如宿期。宛然對故林。夙情亦爲移。靜聞夜來雨。使  
我根葉滋。有生感造化。微植俱不遺。一托幽人舍。吟歎得  
於斯。

曖曖修竹景。初陰庇南窗。微風拂其枝。吾卽爲之涼。徐徐  
及我懷。素衿相悠揚。不知當伏日。左右如高商。起行扶輕  
策。顧景聊徜徉。歡言愛吾廬。斯意通柴桑。邈然千載下。寤  
寐以交望。  
晨夕看新竹。靜坐無云云。好風不知來。葉葉聲相聞。以茲  
發幽懷。倡余良殷勤。齋居閉寂莫。通音惟此君。世人尙酬

答何事相紛紜。終結無言交澹然。共停雲。此言其人自願  
喜霽。下十四首。鳥石紀遊詩。

東坡交同掖青。且中約入鳥石。是午余先至學樊堂。上小  
樓候霽。見層巒盡出煙。日始澄。聞二子已舟過矣。  
登山必選山奇處。不可失。其次則選侶同岑。務同骨。是皆  
可豫期所難者。選日。茲辰煙始。寒遙見諸峯。出應聞高人  
來。巖壑意無嫉。冬日肅。山容是物聞。瑟瑟常與二子云爾。  
我抱寒質。豈必待三春。花草趨山熱。

始至鳥石山菴

次日天未旦。余即放舟行二十里。至明堂。乃捨舟  
行復十里。屈曲松杉。望煙而入。始見高氏山菴時。  
二子待余不至。猜卜未已。忽見余冠屨從山徑來。  
笑語逢答。

未明獨理舟。望影追二子。梵鼓告初晴。殘星白未已。稍復  
見蘆人。疊舸出弄水。前溪尚可通。捨舟意取適。榛徑蹋寒  
光。應先上君趾。豈爲昔所經。索幽意向此。漸入揖古楸。一  
菴遙在指。開扉正望余。高中穿角履。不獨君莞然。僕夫各  
色喜。荒爨松鬚飮。畢遊方始。

禮南麓先生墓道

飯畢出拜高氏祖南麓先生墓見古木森然碑表  
甚古守墓者數家園廬疎列因歎前輩遺制不苟  
昔賢卜一丘流風蔽來者豈如碌碌人委骨任土苴余來  
正衣冠再拜碑銘下空岳啼了鵲苔花縹石馬昔栽尺五  
松採肪已盈把守冢猶數家山房肅古瓦俎豆生儀光舊  
臘得在野咨嗟告後人莫替瓠桑社

山行失道

出鳥石山後擬上長岡偶失道落叢棘中竹葉刺

眉路隙不縷同遊者閉目偃行三里始出

習僻厭平阡岐道入榛莽竿足不甯回牽拂堅初往稍進  
益無天竹葉大踰掌隙處觸澗雲日腳不落壤視體若匍  
松漸偃安得仰兩裊競翹張冒棘先用額導者未識誰後  
趾蹴前網人獸盡無音但聞碎籜響三里幸出叢目光久  
矐矐始見樵子行訝我反山魘

得杖

出叢棘後各選石雜坐土人族余輩色定氣定因  
采竹爲杖各贈一莖乃得進

既出賀險盡瞻前。乃復卣小憩對古松支離類。此叟策足  
恥言疲。終落僕夫後。山人指爪強拗竹。等拗非憐余。進一  
莖。茲意感君厚。忽若當顛危。倚身得奇友。山魃不敢爭。空  
潭戰蚴蟻。翼足若漸輕。影逐孤雲走。大謂二子云。騰嶽等  
培塿。

坐長岡高處放言

更造絕頂隱見海水雷。澗雲涌氣浮萬山。回望城  
郭簇若蠃。垤因與二子歎。彼中人終日驛走何事  
陟。此衆曰巔。誤足踰飛翮。嶺腋松千尋。吐杪僅踰尺。遠眺  
乍睽然。靈狀雜開闔。寒光忽炯散。天水始分碧。衆風吹鸛  
衣。徐聽隱墉濤。躩走百神日。小氣不瘠回。歎城郭人炎  
塵。一圍炙卒卒。驛死生萬垤。斂蠃骸。豈知山澤精。先入幽  
人膈。高處沃雲英。奇理自奔迫。片語鐫嵌巖。畱賞延霄客。

坐吉祥菴

稍進乃見山僧結一菴於上瓦棟尙新繞菴有茗  
樹千本余輩憩坐久之歎慕而已

回瞻所歷塗。豈意踞其頂。適有鐘導之。紆步復前嶺。斗上  
翻得平霞栖。卜斯景果有鬚頰僧。苔龕獨遐屏。佛座炤珂

看一童炊幽炷供盃貯宿雲泉郵笥作縷竹鷓鴣鬧梵筵木  
奴耀笊簪空山更何營僧業千株茗余叩師不誦繩坐默  
相警欲畱惜未能身呼催杖影出谷怨夕易發我下入境

營隱

是夜歸宿烏石掖青因歎余輩十年筆墨誤爲名  
驅今身世已若此尙萍栖未定所謂內負宿心者  
矣旦中遂請分田割廬招掖青共隱于此二子各

欣然命余預言其樂

憫世憤世心俱從城市出若夫坐空山堯秦無異日十載  
憶登壇慟哭埋文筆誓將共吾子顏笑畱皇質草堂許割  
居未苦營茅篳墓田約耦耕十畝三畝秣驅牛合一宮通  
煙接爨室各自羅盤飧誰能辨主客終年不著書恥復爲  
世述草木共春秋吾生固有畢

尋紅樹至永福菴聽經

次早出烏石行里許居人織木爲梁橫置溪上度  
溪始出壩口逢愛紅樹密處欲造其所行二十里  
始至林中一菴山僧方踞席講經聽者數百人語  
拜蹲杳竟不辨一字而出



冬氣山不枯，楓葉含霜繡。遙慕紅處好，併覺人煙秀。緩策十里行，意謂逢前岫。溪廻更小梁，取徑疑左右。山容善誘人，若遠若易遁。約塗復半前，漸與白雲就。幽情未給賞，傳響忽梵奏。遂入一林，鼓雁堂值新構。老僧獨踞壇，妙理宣句讀。山人頑於石，羣語塞庭廡。未譯僧何云，南膜額競誦。法螺逐山魑，石臺飽鳥囑。雜遝共出門，日午芙蓉漏。

上靈峯絕頂望壑

出菴擬上靈峯望山勢，斗甚喜有級可拾。行里許，旁見巨壑蒼黑，木石森然，盡處與寺接。因約二子待春泉震壑，當更集聽於此。

同徒趣未闌，倦足冷巖嶺。仰望空嶺交，木末接雲腳。取徑凡幾盤，危級開犖确。屢曲勢小紆，遂得引遊屩。蒼鬱下望溪五里，傍巨壑，冬巖瀑舌瘖，洞隙蹲老獲，黑蛻枯不潛。蔽陰溼氣零，脆石劒杪，鏡奇鬼森相撲。山僧愛聽泉，新竹緝虎落。余來錫盃間，塔立荒哀樂。對此悔平生，早被章句縛。歸攜幸不廉，翠嵐貯滿橐。

至鄮峯草堂

下山行約十里夾竹如巷，菁菁襲衣。土人指日近。

鄂峯草堂矣。余意為前人隱處，至則僧舍爾菴愛。其各僧愛其朴。

此亦梵屋耳。其名曰草堂。老僧無衲氣處，士同行藏半扉。辨客履引我坐藜牀。誦客吟言詞坐久，喜其恣自云山寺。瘠腕粟不滿瓊島，鼠念僧貧留果充。餓糧舊栽扶老竹，新業瀉花塘。左有泉一潭，木石養幽香。綠煙常不散，盥肺汲。鶩。縣。勸。客。且。坐。此。夜。受。星。氣。涼。

宿舍利塢下尋古碑版

自草堂入阿育王寺，煙瓦滿地遺構不存，惟舍利

塔廟僅在道上，臥古碑二，一為宋蕪學士撰文，肅閱良久，傍為張九成泉銘，其書法獨妙。僧云尚有元揭傒斯一碑，未問所在，稍出乃見廢園中有立石不仆者，則金華宋學士碑文也。

高文落千春，得壽及山骨。炯炯古塔下，佛珠為日月。老松願承蓋，墊蒼不敢髮。前潭有蜚龍，震雨頻浣刷。幽氣巢巨靈，風霆看出沒。余適尋山門，舊基瓦難堊。支解歎佛身，諸天坐茅蕪。昔時鶴翎花，剗根鬼火屈。獨見尺草中，臥立有碑碣。肅若對古人，束帶先上謁。讀字先以手，斷處終暫闕。

同遊幸異才精感足互發跡畢久立煙三嘆生悲咽百年  
各有生曾供石幾閑

歸飯學樊堂

次早出寶幢河舟行三十里至學樊堂莊人已設  
鷄黍相候遊終矣然余與二子各未有詩記則冥  
尋追寫遊方自此始耳

默坐對故人不語自珍重待各東西驅悵然復入夢山澤  
余夙交關情亦實共茲遊已告終杖屨惘如送始覺向所  
歷羣景森欲動引諸心目間漸爲筆光用譬諸善繪人巖  
壑豈畢供冥追在須臾落紙遂難縱二子並蒼茫抱僻不  
從衆一水闊如天別後巷如凍

積旱得雨後泛舟至草堂二章

屏翳久失時川渚盡枯蘊喜茲甘雷施奔流乍已物朝霽  
散平臯山水含餘潤渙草尙津莖密林葉垂汎潛鱗戲新  
瀾脩羽臨泉振緬懷衆情欣余榜亦以進目送幽壑開心  
隨柔樂運遙翠似難親乘流渺然近翫物洵有期散襟得  
無悶屢曲造蓬居挈衡誰枉問

昔余秉微志東臯營隱室薑登獲所栖植援功稍畢萍游

未得安蒿徑常苦間風懷中自敦疲  
駢思故轍鄉曲遙相迎  
褰衣各愉悅乘高覽前垌極眺  
左右豁湖陰滋遠嵐層巒遠相出  
激灑浮霽光杳夢婚幽質開軒引  
蘭醕盈牀理緗帙行雲有還期倦  
鳥羽暫輯玩俗終違心適我在獨  
立願言守沉寔高矩尙可挹

泛舟東錢湖同徐霜臬作  
下六章登福泉山詩

結遊慕春餘齊契得吾友愛此古  
鄮湖盪舟下水口柔漿聽風行湖  
光四面受遙色秀山家餘暉帶門  
柳一峯領衆嵐籠嵒盡俯首孤霞  
插中流茲意非可耦湖山相澹漱  
披襟與之久世人徒趨名遊觀事  
亦有歌吹喧西湖盡在白蘇後未  
若茲湖佳幽尋自不偶千季隱學  
處靜氣寄巖藪終日唯單舟煙瀾  
集吾手發興旣我曹奇唱庶無負  
風迹畱古今斯文儻同朽

自大嵩嶺上二十里至福泉精舍作

捨舟上樵逕晴眺分纖毫循塗凡  
屢盤獲奇隨所遭崩崖露雲根長  
風勢漸饗諸巒徐束體始識身已  
高過雨忽足下髮上天氣交在輿  
尙苦疲何況昇者勞首虐乘人車  
筋力嗟爾曹斗上復稍垂豁然關  
林坳老松得成鱗巖土抽

春毛梵僧構幽栖人龍同一巢入門氣得蘇豆筍羅山庖  
到此慚浮名徒爲猿鳥嘲我何不徑然將家住藤梢

登望海絕頂

天風吹客上斷竹翼我身廓然老目開得見天地新大海  
滄其前萬象趨嘉門亂礁業相持黃牛三寸蹲太空積終  
古一氣還渾淪日車晝夜轉爛爛推星辰長江飄素帶巨  
湖注盈盆衆川盡小心東流奉至尊卻望三神山縹緲失  
金銀欲把東皇衣垂顙拂小臣陽鳥忽以墮朱鳥來玃玃  
安得于巫咸一一招古魂同臨晞髮叟灑滄逆奇文尺五

天下語地上應不聞

里田嶺五里大風霧至埋雲菴作

出門未十丈萬狀習以闕大風夾雷行白霧如雨凜鷗黎  
啼不已騰地盡離蟄勢推兩儀翻聲驅百靈急黃父咽菜  
飽魍魎跳畢集山夔一腳仆彷徨皇兩頭繫霞霞數步迷颯  
颯諸竅入將歎不成噫欲住足難拾暗墮卽百仞舉身蹈  
兀岌我生歷衆死奇險性所習漸老出危塗豈謂茲遊及  
五里慙埋雲飛廉威始戡坐久面色回稍得舒呼噲太陽  
復吐光藉炤衣裳溼百季有顛傾微軀仗獨立失足慎須

奧斯義儻終執

下水磨嶺

登輿縱新覽山川喜重霽解顏謂與夫徐徐緩前氣適冒  
皇天威微生飄一帶汝曹傾命力觸險良不細安步莫恣  
危豫防在既濟蹟堙不蹟山聖戒所深記五里落水磨始  
得踐厚地回瞻慙脚所埋扉亦天際半下尙雲中絕頂安  
可計昨來臥山牀真與飛鳥逮片片堯時嵐從斯入夢寐

大慈寺

漸遠山麓行風輕拂五里細麥秀哇哇野色亦可喜為慕

贊公房遙尋煙靄裏竹色擁山門浮圖漾池水坦步登山  
堂靜氣肅席几坐處一峯尊雙巒夾恭峙幽嵐四面來松

廳入傾耳延我上繩牀傳菴亦移晷叙別惜怱怱後期屬

相埃旁有宋相墳

史彌遠墓

饗亭若初起六陵一塼餅此公翻

血祀大龜攫碑倒遺笑冷人齒豈得山川靈報應奪常理  
重把冬青枝太息追所始

古詩為寒泉子作四章

泉寒始可枕石寒斯可收荷斧猶在手斧音出四谷瓢中  
古漢書坐當楚經讀徐聞風榛來天地散靈廓安得日陵

峯從公斷黃獨  
至人栖人外與世相相狎漁父愛遠遊過眼失青黃奚為

無心雲因風輕低昂終日事海鷗蒹葭亦無霜豈若在山

泉鼓蘭自知香冷然洗盃處巖壑生寒光

一杯不罔乘一錫不罔飛一泉復一石道人論是非炯然

佛火下高士相因依虞泉無餘景空山尚藏暉門前稻畦

色畢歲在公衣

月中起攬衣幽人常肅夜草堂遙望衡千里一精舍山空

失古今草木自鮮謝請留片石寒積葉待吾藉

送慰公六首時方讀孟東野集

送慰公六首時方讀孟東野集

慰公擅高才介師負至性吾有兩釋友死生各分徑憶我

哭介師衰涕幾無贖慰公近始來與我淚相併山花立私

位諡之曰真定藉此告亾友千載自我命方圖得蟬連時

時通答贈奚為復出門不念老友病幸指秋籬花歸期已

先訂有杖輒好飛釋子每不靜勸公真結茅坐老名山磬

我有一寒交黯黯枯竹燈我有一苦友墨墨老藥鐺相守

二十季敢嘆不敢憎搖我殘齒落引我白髮萌我腳仍兩

板不得踏山行我耳仍兩葉不得聽水聲齋前五丈地畫

草如畫城遙遙太白峯朝夕來相迎中有我老友謂嚙堂老人愛我誠不輕奚不仗禪力立驅病百程滅燈碎藥鐺即買

五嶽登

前日風一番桐花已霏霏昨日風一番柳花復依依但覺春易來不覺春易歸片片花飛中公去亦隨之從來河梁淚不上長老衣為公履數點即掩兩竹扉

笠山戴一笠包山裹一包自非方外公安得任逍遙此公况非常風骨較我高行瓢帶漢書坐船讀楚騷世上方袍人陸陸非其曹誰從培嶁下而得攀松喬

聞公說包山使我亦色起縹緲第一峯我即住其底湖光潏潏來日月山屋裡一杖據一山一瓢盛一水况說此中人士俗殊可喜橙橘足充糧嫁娶自行禮朴氣被桑麻古意徧男女此中可避秦別立一甲子我聞誠欣然不覺病脫體請公營禪坊為我置牀几無使劉遺民不見桃花死適見孟郊詩讀之復良久春燈開新花猶未釋我手愛其贈淡公意篤人外友飲則舞短篋歌即拍銅斗適送慰公行因之詠數首淡公與慰公風味得似否我詩較東野豈便出一口但喜筆墨間掃盡俗花柳澆出泉響清洗來崖



骨壽取投詩鉢中知公得未有  
慰公夜聽老僧說大龍湫余爲述其語  
兩山劈相對體凹而頭出怒勢角終古欲磕僅不磕飛瀑  
自頂來懸噴下離壁驚飈忽吹過左搏或右結急暴萬弗  
珠疾圓千捧雪立下觸礮暑一跌撲再跌迴飈忽吹轉團  
物尙未擘礪石復一響片片始飄骨風伯大奔忙雷君喊  
無歇百靈不暫停混沌至今日慰公適語我夜同老僧榻  
聽說大龍湫驚起喚奇絕恍若置此中狂叫蕩冤鬼足仄  
不得收目瞬不計睫始歎世外奇天地偶一設老僧旣善  
狀得過慰公舌慰老旣善談得入杲叟筆山神最遙待高  
僧與詞伯請更說匡廬泉聲落二壘

霽後草堂觀穫二章

黔羸濯火雲家除十尺舍刈秆置前欄墮粒補土罅天晴  
水鳥翔蠓豕始賀赦出門望鄰疇移牀就楸栢枯爨各生  
煙兒童走著下飛魚重念家壠口循溝瀉長羸已謝衡餘  
溲尙停駕擊鼓走村巫穰穰告新稼白藏在晚成神其思  
奠畢

茅堂各傾篝盃婦出井里收納及新晴敢辭手足瘡獲盡

見遲苗繡綠復瀰瀰田鳥啁戩乘羣飛集中吐數載非我  
秋一朝報勞耜日沒始各歸螢燈亂陌市妻努各相慰一  
孟當祝史饑顏暫得回四體若脫衣呼天更有祈西臯十  
尙燬

草堂促耕

去冬少待穀入春益已傾蕩糜給耕夫忍饑望禾青薄糜  
愁亦盡壘上無譟聲攜筐勸息者力以用乃生天心賴不  
緩煥氣日夜蒸禾風吹我飽今秋諒有成勉矣時可待上  
農古所名

果堂詩鈔卷四

甬上李鄴嗣著

徐鳳垣

同里

錢肅圖

選

林獬鶴

婿

陳雲鳳

同較

七言古詩

城南曲

東風昨夜散桃英朱闌十二聞含櫻欲識江南春若許但  
向城南麗日行江南春色城南在聯天臺榭搖波碎翠笛  
高垂幽霧翻綺帷半掩彤雲鬢捲笛寒帷光四起臺前爛

慢皆羅綺紫燕之絡高堤來青雀之橈細湖艤柳汀絮起  
迷雪汀花嶼香濛接煙嶼錦茵半驟揮彈兒繡幄多圖挾  
瑟女城南女郎爭玉顏城南遊俠俱季少蝦頭夜傾秘監  
祠魚腸朝拂仗飛廟當場敵手縱千金滿局纏頭酬一笑  
急吹曼撥俱未停龍膏蜃蠟紛相耀此日遨遊各騁神此  
時陰霽盡良辰誰知一夜龍沙入碎綺織羅片片塵十洲  
銀閣來如夢千樹金城推作薪寂寂湖亭巢白燕悽悽月  
島吹青豸羯鼓催闌動長角金鐘泛乳吳醪薄射雕百騎  
城南歸亂踏桃花幾處落

胥潮行

八月高颺天上來胥江疊浪如山堆伍相揚威不可觸秦  
皇當渡空裴回雷驅雪擁洪濤起北赭南龕愁對峙白馬  
疑奔練影中素車隱動鞞聲裏鴟夷之器未飄風屬鏤之  
鉞尙吐虹野麋纔入夫差苑蔓草旋生句踐宮吳亾越霸  
斯須度獨有靈胥難霽怒涌勢常愁地軸翻傾波若向天  
關注胥江濤險有如此不煩鍊鎖沉江底飲馬誰教水伯  
通控弦誰使陽侯徙吁嗟乎巨壑填盈精衛石朝可枯潮  
夕枯汝蘭亭夜抱冬青枝纍纍之涕不可絕

杜鵑行

春風漫漫百草綠，登臺獨展傷春日。惜別初彈蜀國弦，懷歸再理巫山曲。巫山迢遙隔萬里，怨鳥一聲空裂耳。但知今日鼈靈尊，還念當時舊天子。蠶叢之國關何季，魚鳧城郭隨飄煙。赤樓峩峩不可見，碧鷄金雁俱茫然。故國興衰不復數，中夜號呼亦何補。北嚮猶哀灑血多，倒懸更訴髡毛苦。世間代謝須臾事，漢寢唐陵盡何處。鴻燕終依歲在來，山川難促人歸去。江頭細鳥抑何在，千季禮節尙人臣。願採琅玕飼天種，阿閣爲巢以奉君。

送女兄文玉入山爲沙門

女兄文玉生平節孝，見諸公傳記。自先儀部殉難後，葬畢遂入山爲沙門。方雉髮時，空中有奏梵聲，階前長神芝數本，相從入道者十餘人。

至理可使無情，爛洪濤不沉火，不熱大節。每能生神奇，空山吐唄，草吐芝，古今曾幾奇。女子文姬娥，親數人耳。磊磊氣薄星，日苾空閨夜。半拜寒霜女，貞手植三十載。耘海桑青色不改，一杯新碧父之血。魂何所歸，扣文佛禪燈初熒。暮氣森諸天，奔其鐘鼓音。

小育王同諸公禮佛是季值余三十

諸公爲友佛爲師願聽賤子戲一詞十季前竊文士名衆  
中下筆頗有聲十季以後稱處士但著大衫走城市藏書  
十卷八卷亾墓田五畝三畝荒君看天意已如此磊磊吐  
心尙不止蒼茫今日憶前因櫻團慚拜佛三身明日下山  
跡未定老僧獨禮苔龕聲

田家詞

去季收禾不到場今季打麥不上箱誰家還得糲麩食三  
時種作口未嘗羊子亂畔牛父物鷄飛拉颯狗上墻村村  
盡被搜半去低籬窄舍無計藏老翁捻喉氣難吐亂離纔  
識田家苦城中蕩子髮如錢笑學鄉人打鄉語

久客歸

客行二十季記老不識少改盡故鬚翁昨夜邊場到憶昔  
城東開萬戶城口浮梁接江潯出關收魚若收租大船半  
泊新安估廟前市馬金障泥古渡桃花鬪翁臉今來陵谷  
何易遷夾路小坊盡草莽獨行空巷白日疑放悲西鄰一  
寡姥黃門甲第當衢開老兵橫臥自稱王郭外古墳有我  
親白楊樹倒供斤斧久客無家還欲行兒骨先愁不傍父

飄葉終身思本根。及到誰知益酸苦。幾時真得洗甲兵。盡使流人歸舊土。

壯謠行贈祈永北歸

引弩只引八牛弩。舞矛只舞丈蛇矛。男兒翻身發電赤。左懸欄。具右鬪。樓先皇侍衛零落盡。隴西宿將今莫儔。虎子安得不奇怒。火光迸出注兩眸。東藩臂張十萬騎。飛蝗疾若鷹。脫鞴豈能鬱鬱江南道。日取僧笠遮我頭。生季三十始封侯。

茂陵秋風曲

漢武帝崩後嘗見形。謂陵吏曰。吾雖失勢。奈何使人上吾陵磨刀劍乎。僕悲其語。爲作茂陵秋風曲。

漢家赤虺真帝子。炎威八荒平。劫火玉鯨鼓。鬣噴滇雲怒。責河工。移瓠水。抱兒一夕。授霍侯。五柞塵生。魂亦死。夢草無情。謝英陵。二十五絃。摧不鳴。幽霧濛濛。久將散。桐花吹墜。石麟驚。月明不照。蛟鸞匣。夜在空巖。弔瑤妾。藏中明器。皆有神。胡箱出土。從何拾。悴葉蟬。噉氣復。黷權謠。寂莫帝魂愁。茂陵少季。盡妖服。問誰攜。劍上高丘。白燕西飛。龍石瘞。劉郎香嗟。猶漢系。香消桂柱。在魏車來。銅人溼溼。千秋滄。

編衣夫人詩

夫人張氏梁公狄先生配也死難事甚奇先生使  
余輩賦之因其著編衣自焚後能形見作編衣夫  
人詩

高風颯颯動青楸。客子誰過碣石遊。荒原喚晝只妖鷲。跟  
輪有聲知觸轍。短莎新茁露金鍬。女牆識是古商丘。入城  
行到官舍頭。此時雨黑地漸收。放悲神姝駕素蚪。羽飄蜚  
襪霜影。絲哭聲入耳。遂颺颺客行卻立。更理眸紛若煙吹  
去。莫按道旁老叟引客留。君無近前天女愁。云此本有縣  
南樓當季茂宰稱梁侯。梁公夫人節莫儔。問客可曾識其  
繇。叟欲重言聲咽喉。憶公移治舊中牟。垂簾八日賊犯州。  
書生力禦手執我。顧謂妻奴善自謀。夫人慷慨涕不流。編  
衣密製夜火籊。果聞城陷銅馬蹂。登樓北拜妾無尤。投繯  
遺命疾舉柩。闔門忠燭吐鬱攸。公斫不死八日瘳。香骸鬼  
護尙可求。至今風雨頻啾啾。士人祠下酌漿糝。客聞語畢  
淚若瀉。自傳賊起二十秋。大河南北無尺喙。文臣誤國等  
俳優。將軍十萬棄。兜鞬全軀保室真。良籌貞心誰與夫人  
侔。一觴立起奠濁醪。古傳所揚有此不。

江上弔三絃女子詞

本土人女亂後流為女優季十六工三絃子父欲贖之不得因抱絃自投甬江死

小鬟抱絃調鳳髓嬌若芙蓉半開榮臂支獨枕紅守宮傷人但許聽詞死羅衣垂手骨欲翔綠帶化蝶鵬蓮香愁心只慕箜篌引冰蠶織絲千縷涼收絃撥出思鄉調素蛟迎舞幽蘭笑江上風迴曲未闌小魂夜拜曹娥廟鸞屬踰浪月澆澆手執朱鞭牽白鹿醅酥何處醉氈氈熱粉吳姬紫槽促

讀西京雜記

故鄉歌闌翹袖舞甚傷真人淚瀾瀾纔作新豐娛若翁為誰更驛洋川米鞠室囚香虞草碧千季情恨英雄咽空持愛縷結同心赤刀不點野雉血雲陵早痊拳夫人嗟嗟隆準愧龍孫

織簾先生詞為畧樵大兄壽

織簾先生季八十火下寫書數十篋適志每聞鼓素琴養身曾見賦黑蝶先生行季才六十爽氣炤人髯間出王家七葉重文章曹氏遺倉今石室少季喜搜秦漢書鶴頭蛟



腳爭三餘剝藤日寫幾十紙束之一歲盈一車自從遭亂  
六藉焚落棠山外逐殘曠遺經在壁史在井花前之集隨

飄雲先生所錄先生一身亦坐繫秦吉無聲春燕去排空

惟有雁飛來行行寫作傷心字先生繫中有一朝破械身

歸來日向山中賦八哀山頭片石千春在西臺哭罷登東

臺此時歸覓篋中篇上花蝕盡義熙年夜鈔重積三千卷

坐聽霜溪鷓鴣天其中一編更卓絕魯連之淚魯公血龍

威所守百靈扶三百季來豈容缺先生開書重流涕歷歷

紀行事堪記栢桐初刦義公季山川舊弔睢陽處是書重

鈔閉篋中颯颯四壁生寒風夜半疑有弓劍集階前不敢

啼秋蟲先生所書重如此織簾先生小小爾天畱碩果歷

冰霜益州耆舊各堪齒歸乎來彼刺船者古成連求羊二

仲耕滄田吾亦採芝此中去重與先生發一編

死戍墓歌為給事姜貞毅先生作

思陵望治苦若渴側席重宣故相出二十四氣誣正人首

持魁柄障白日萊陽姜公在黃門平生忠篤感至尊極論

丞相真有力要使言官氣得伸上怒赫然死不重御念直

臣心稍動且將赤棒代歐刀生謫不投人鮓甕聖朝從諫

木如流坐看雷。碎電射收天威。朝逐陳于壯。皇恩夕召黃。  
道周臣塚哭。辭闕下。出數到宣城。四十日。忽傳龍御遂升。  
天環未及還。玦未決。小臣目斷燕雲下。自操吳戈甲。不卸。  
人間今已絕。金鷄待到黃壚方。遇赦勞勞內史啼。南陌鷓。  
鴒催歸歸不得。舊館惟尋皋伯通。殘命仍投閭子直。三十。  
季來淚無數。白髮青山同。旦暮遺骸只葬敬亭丘。萬古漢。  
臣死戍墓君不見。先皇仗劍排闥闔。臣挾秦弓侍其側。東。  
臺給事生上書。宣州老兵死殺賊。念祖堂前異草生。青松。  
壘上秋。森碧請取孤臣不死心。寫向嵌巖一片碣。

贈語溪曹黃門歌

記葬楊侍御事也

銅人淚滴茅人瞰。漢皇寢殿眾愚陷。杜陵狼藉虎文衣。秋。  
風剗郎看磨劍。趙家冤。奏一槍餅天陰啼。襍馬牛聲不道。  
一丘蘭土土有人。月黑抱冬青。此時鬼伯兒如此。日逼諸。  
君上蒿里。只從野外哭。忠魂誰識路旁流。義髓義髓凝爲。  
千載碧山鵲。炤眼泉鳴咽。家家骨煖一壘泥。幾鼓亂槩無。  
寒食語溪黃門義丈夫。肯將十匱覆黃壚。樹上只容栖怨。  
鳥。田間不敢走妖狐。墓石官階都不記。小碑只篆嗚呼字。  
碑前劍草發。今春何人下馬雙。垂淚安得燒。甌千萬堆盡。

掩人間義士骸萬盂麥粥千竿紙土花開遍爛骸臺神旗  
颯颯飄如雨夜中聽喚諸公語淡蒙范式挽靈車多謝張  
融着高履

題細柳營圖歌

龍城萬騎盡控弦軍臣大入句注邊羽書奔命一夜發狼  
糞立看接甘泉漢文皇帝籌邊久虎符卽召河內守防秋  
分遣三將軍霸上棘門連細柳太尉家兒大將才乘輿謹  
候壁門開軍中只聽將軍令皇帝咨嗟按轡廻史筆龍門  
曾叙出復落畫家冷協律極寫軍容慄可觀兜鍪甲仗俱  
精絕此卷何季入禁中錦軸牙籤列席同一朝銅馬蹂宮  
闕血汚縹緗四庫紅東壁光芒墜地矣御前翰墨無人理  
有誰竊得善本歸題變宛然尙可喜白頭官監坐市坊手  
持畫卷俱輝煌名馬載還胡蔡琰橐駝送去漢王媯就中  
一卷尤堪記中官未語先垂涕往事依稀四十季傷心說  
到先皇帝此是冷謙細柳圖先皇取向玉几鋪卷上兵威  
眞味咤喚起西京周亞夫其時戎馬方紛擾漢之飛將今  
非少血戰仍求劉大刀將略還推戚少保先皇御立動遙  
感執觴在手卷未掩無限憂思將帥心傾落龍膏酒一點

老奴適在華青直捧向玉階日光炙侍臣以外那得知不  
歟天漿人不識四十季來色如故百靈不散應相護買去  
須爲至寶藏從頭再與諸公訴吁嗟乎先皇推轂思何苦  
皇皇每飯憂無數展卷猶如聽鼓聲發圖若見提枹斧後  
來亦有周將軍榆林百戰報君恩恨不早教懸鵠印築壇  
箒與鑿凶門此卷今爲世家有小臣作歌記其後漢家天  
子亦拊髀不及先皇一滴酒

短調期掖青不至

君居鑑湖南湖楓炤汝宅我居甬城東巷草立額仄瑟風  
吹秋入巷來竹杖迢迢招不得聞君解帶向何人高車肥  
馬無相識自從喪亂燔六經黯淡柴門市顏色黨人碑上  
舊鏤名詞英會中新落籍華冠臬兀鷄犬憎書見方良同  
辟易君不我儔欲安適我有新詩一卷餘鳳掌磨星黷消  
息君不來看枯案頭場井無光墮百尺不見煙催日脚黑  
無人兵燹馬豢天地織誰堪久立呼逼側

酌酒與董弼子作

嗟乎丈夫窮愁則已耳而使一身營作客躊躇行出門故  
人別不得酌酒與詞失顏色我居江南汝將在江北躊躇

還入門故人別不得酌酒與謔失顏色我居巷南汝仍栖  
巷北噫乎丈夫窮愁終已耳乃使一身難作客噫乎天地  
何偏側暮日無光暉白虎橫相嚙汝縱出門亦何益還入  
門盎中無斗米儲數錢不滿百顧語室中兒兒慎勿啼上  
有白髮親恐戚戚我思負米千里外路局窄先人敝廬誰  
踞之四壁日狼藉座上圖書鬻以充日食我思一告貴人  
貴人之門不通謁躊躇決絕間朔風漸凜冽瀉水置地凍  
不流舉尊一謔一斷絕噫乎丈夫窮愁哺糜耳無使一身  
復作客

大滌山行贈余蛟與

明州城東有余子默坐璘珣骨常峙素波激激剪雙瞳異  
彩離離散五指十季卜築能相傍夜雨然燈光各向垣衣  
已蔽幽人門山鬼欲來處士巷翩然一夕辭草堂獨遊問  
爾真何方春水生矣憶茗水微風導之下禹航禹航茗水  
須臾度山山浮霧俱相晤谷鳥遙呼籜笠人溪花獨矚芒  
鞋路芒鞋發我入山行大滌晴嵐片片迎金堂窈窕求龍  
蛻玉室餘訝訪鳳暝鳳暝龍蛻求無處玉草叢生竄僂鼠  
九峯裏裏多歸雲七洞淙淙盡垂乳此地棲真千載聞藏

書萬笈覆靈臺。玄同先生不得見。洞霄弟子曾相親。何君  
扶犁耕峭壁。呂翁荷斧采曲礫。與來招聽雲璈聲。醉後同  
眠酒。龕石聞爾誅茅將。不還迷巖詭壑。幾流連西洞幽。尋  
亦偶爾東臺迴。眺終茫然君歸來。無徘徊會稽以東接。鑿  
隸丹山之天。匹玄蓋。我將結屋芙蓉巔。需爾辭名共玄對。

同掖青辰四日舟行次學樊堂

棟風已報花信畢。單舸復載遠山出。溼雲渡水低觸櫓。櫓  
聲鷓鴣魚失伍。墓傍老特愛立。莎身栖特背。靜若窠野屋。  
數家接山腳。犬吠殘花出。虎落迎舟竹影久。未過緩行我。  
愛榜人情泄煙一縷。辨草堂風吹短垣垣。衣香門外平疇。  
綠相向扣門恰值僧歸杖。

觀掖青手製夏茗

徐君異骨佩豹囊。獨攜茗具作山裝。雲腴知向絕谷藏。山  
房晨起擷滿筐。手刪烏蒂畱次槍。小芽吐綠一寸長。柔薪  
潔釜並有方。新芬及候十指商。小鑄魚目始沸湯。離樹入  
甕日尺光山僧沾口。訝未嘗先春不良。晚茗良此中神理。  
豈易詳幽人爪甲能生香。

入烏石再登南麓先生墓道

肅肅幽城復在指古氣固山骨不死松杉承蓋立墓門窻  
罕尙飄寒食紙鐫竹同尋隔歲詩黃泥舊印遊人屣山花  
半落石花斑子鵲不識春歸里愁來獨喚翁仲言笠倚碑  
亭淚瀾瀾

七夕哀辭

哀萬名誠續娶婦余氏也余氏事予若父歿後與匹女合殯

去季盈盈拜七夕今歲小墳土三尺有姊先柩貼半席死  
不相離生不識天孫餘憐炤昔昔雌雉雙飛喚寒食人間  
哀淚貯一石

觀瀑布泉限作新句

君不見文璣傾盤晝夜注鮫人雙睛不得霽宵搖鬼滅何  
時盈神驪千季遭渴睡君不見神屋高垂不夜簾幽蛟萬  
睫連絲熾易烏欲炤入無處玻黎散結霏靈靈君不見靈  
泉匹素空中擲綃宮玉繭無停織緯冰片片落人間亂展  
明霞光莫測我來目眩飛瀑泉心欲狀之豈其然

題雲間唐生畫山水詞

空堂桀豎見危巖斗上千仞復有奇離霄一握下無涯閉  
日開月光相窺峯腰以下雲得知煙霞互采爭離離奇巒  
參錯紛難欺愁筋不筋意交持中有杖者攀蒼枝松花謾

謾飄雙眉。衝巖練下。傾玻璃天。風迴激漂。微霽杳然。耳目  
俱隨之。復疑神靈。赤水集衆。蓋羣幢來。箭箭彷彿。湘妃窈  
窕。立山鬼一聲。追莫及。須臾疾跡。何縱橫。怒氣直與蛟龍  
爭。脫光臥。鞞鏗然。鳴座中。豪客盡起。行寒飈。吹空更凜絕。  
關山漠漠。飛鴻雪策。馬何人步。兀臬吐沫。垂洟冰寸結。嗟  
奇哉。世間妙蹟。有如此。乃出雲間。唐高士手持弱翰。五字  
耳。驅役山川。不肯止。以意造之。萬象起。真宰無權。哭瀾瀾。  
嗟奇哉。唐先生。十季落魄。何躊躇。昔日交遊。滿帝居。只人  
足。繭明山岨。朱門交。逐日飛車。先生掉頭。獨徐徐。來臥吾  
友。蕭門繩坐之。高廬君不聞。千載文章。重司馬。乃嘆世無  
善畫者。後來昌黎。不相下。亦云。今世無工畫。吾乃開襟散  
髮。摩雙睛。奔毫日見。唐先生。

中秋同諸君集慈福寺坐月謠

三五將夜。天湛然。片雲橫列。東山顛。須臾吐月月。上弦須  
臾銜月月。下弦山雲爭。月兩吞吐。月出復出。光逾鮮。山形  
漸低。雲漸散。離離月上始魄全。明河爛焉欲垂地。數星澹  
澹花蒙煙。吾有故人來。四五乘輿同。乘秋水。船雙槳。忽盪  
波影碎。白鷺無形私。下田歸來。維舟梵竽下方外。之友亦



粲然削梨刺芋出。啖我噉噉夜色炤。一筵高譚縱橫飛。六  
出月高十丈不肯眠。諸君諸君吾語汝。星星聚首已可憐。  
一半之秋端正月百季。此夜能幾季。素蕤頻傳天益靜。爲  
君先成明月篇。

漢陰行呈錢稚廉

德操宅洲陽。德公居漢陰。望衡情自接。泛舟亦相尋。德公  
爲上先人墓。德操褰裳適來顧。龐家妻子俱拜前。但命汝  
曹速修具。須臾作黍紛進食。日暮德公亦還宅。直前相就  
各欣然。不知何者是主客。此事風流已十載。襄陽遺老今  
安在。出門植杖每裴徊。誰家韭黍歡相待。朶堂白髮何崢  
嶸。垂老乃得交錢生。平生歷落得盡吐。新晴一豁衰眼明。  
君家退山吾老友。近日論詩真敵手。缶堂妙句得三分。碌  
碌詞家盡俯首。錢生心爲三人折。每見詩成輒嘆絕。肯題  
數首亦大奇。使示諸君俱不屑。攜詩獨叩朶堂居。童子聞  
聲但啓扉。草草盤煖解作供。不問主人歸不歸。朶堂入門  
遙一笑。知是錢生徑相造。古來佳事亦偶然。豈必德公與  
德操。庭前衆鳥報夕陽。我病欲眠君渡江。龍門耆舊誰能  
識。漢陰之水徒洋洋。

壽昌寺老樹根詞

千季畱得蒼宮樹。幽崖蟠根。蟄無數。不知何時飛節。枯太  
微。枯銷百尺。仆伏龜已死。青牛犇崖頭。洗出老盤根。此物  
卻爲真宰。惜飛廉驅來入寺門。棄之殿隅。人不識。黃口伏  
翼相狼藉。我友遠公。獨嗜奇。與我摩挲。三太息。古銅之色。  
丈二長虬形。宛宛劈中央。左迴右旋狀。屈曲細跡眩。我老  
目光吐氣。遂疑雷雨至。冥心一任精靈戲。乍驚目下。鬪黃  
麟。倏見水中翁。金翅其間纍纍。更多端輪爾。執斤巧力殫。  
鬼血亂傾。萬瑪瑙神魚。暗負千琅玕。我愁此物更浮去。合  
置。尸乃最幽處。亦恐季溪再遭屯。橫使一朝供削鋸。不見  
君家萬季枝。庭前久侍雙離離。蒼龍前季拔其一。靈根知  
向何地移。遠公卻立溪。嗟咨噫乎。我與遠公同嗟咨。

短栢歌爲菊函禪師作

菊公庭前有短栢。數片蒼鱗發幽色。人中黃楊樹。侏儒一  
偃再。僂意彌屈。束身若纏。左右臂俯立。每讓嶙峋石。大陽  
下。炤漏小光戴。雪幾片露幾滴。惟有鍊幹自森然。氣與華  
山文老敵。飛廉狂撼終不搖。雷君卻步斂霹靂。靈有時空堂  
佛火紅魚鼓一聲。天地闐百蟲。匝樹不敢啼。坐對短髯俱

默默菊公愛此日蟬連云是老僧初手植曾經品目衆詞  
家頻受摩抄老禪德向我索題苦不已一幅桑根候落筆  
君不見杲堂先生賦庭栢擎雲攫龍亦三尺

戲作短詞

東籬先生咏止酒佳節仍傳過重九醒然自著頭上巾兩  
把黃花空在手昌黎先生嘆落齒又牙動搖勢不已盤中  
軟物僅得嘗猶是作詩詫妻子杲堂病叟更可憐斷酒墮  
齒俱十季牛脩鹿脰嚙不下但聞名酒尚流涎二公風流  
在千古我非其人與同苦大笑作詞更起舞

